

Ўсмирлик вақтларида, оғир кунларни бошларидан ўтказишлари



10:00 / 29.11.2017 3302

128

Энди кўнгил берганида, қолдиларку ўксиб яна,
Ўйлайдилар бу дунёда, қолдиммикан ёлғиз яна,
Йўқ! Аслида Парвардигор, сабр дарсин ўтар яна,
Суянчиқлар барисини, саккиз ёшда олди АЛЛОҲ.

129

Барча гўдак ушбу ёшда, эркатойлар юрар бошда,
Ўйин кулгуфароғатда, еганлари тотли ошда,
Ёш халоскор минг азобда, бўзлаб юрар тоғу тошда,
Суйганидан бошқасига, бундай азоб бермас АЛЛОҲ.

130

Отаси йўқ онаси йўқ, борай деса бошпана йўқ,
Ҳомийси йўқ волийси йўқ, олай деса мероси йўқ,
Кўрпасийўқ болиши йўқ, ётай деса айвони йўқ,
Бу ҳаётда бор машаққат, ҳаммасини берди АЛЛОҲ.

131

Оқилларга ибрат бор, Набийнинг (С.А.В) ҳаётида,
Бизда ғам йўқ ул Зотда, вақо йўқ бисотида,
Ёлғон дунё йиғдик биз, керакдан зиётида,
Зийнат қилиб дунёни, имтихон қилар АЛЛОҲ.

132

Йиғлаб қолди ёш халоскор, абу Толиб қўл остида,
Барча хайрон ёш болани, алам қайғулар бостида,
Тарихда йўқ бул мусибат, ҳақиқатларни ростиди,
Мусибатлар билан ўраб, ҳаётга ўргатар АЛЛОҲ.

133

Абу Толиб қалби жўшиб, набирага, меҳр солди,
Али, Жаъфар, Ақийлдан ҳам, набирани яқин олди,
Қайга борса ёнларида, ёдгорим деб олиб қолди,
Фарзандидан зиёд меҳр, солиб қўйди дилга АЛЛОҲ.

134

Бошлар яна янги ҳаёт, кўникмоқга фурсат керак,
Олдинда кўп синов яна, уммат учун нусрат керак,
Нусрат келар уммат учун, бунга буюк журъат керак,

Бу журъатни қуллар ичра, ёш етимда кўрди АЛЛОҲ.

135

Аста секин кўникдилар, бобосига ўргандилар,
Кўрмай қолса бир лаҳзага, мунгли холда ўртандилар,
Бу ҳаётда неки бўлса , борзаҳматни кўргандилар,
Бу заҳматни барисини, охир ҳикмат қилар АЛЛОҲ.

136

Ажраб турар болаларда, нурли юзда ширин сўзда,
Қилиқлари ҳам ёқимли, шижоатлар чақнар кўзда,
Боболари хузурида, ғам қайғуни кўрмас ўзда,
Шодлик ила қайғуни ҳам, навбат билан берар АЛЛОҲ.

Жиззах шаҳар “ИМОМ БУХОРИЙ”

Жомеъ масжиди, имом ноиби

Ҳалилов Умиджон Абдуҳаким хожи ўғли